

**PRAYER**

- Ipagdasal ang mga tao sa iyong paligid na hindi pa nakakarinig ng ebanghelyo at manalangin na sila'y magkaroon ng lumalagong ugnayan sa Diyos.

---

---

---

---

- Magdasal na magkaroon ng kakayahan ang bawat isa sa inyo na maging mabuting halimbawa sa pamumuhay ng ayon sa kaparaanan ng Diyos.

---

---

---

- Manalangin na marami pa ang madagdag sa inyong *Victory Group* at ang bawat isa'y lumago sa pananampalataya at madagdag rin sa simbahan.

---

---

---

---



**VICTORY**  
Honor God. Make Disciples.

[www.victory.org.ph](http://www.victory.org.ph)

**FILIPINO**

# Gumawa ng Isa

## Week 2

NOTES

[illegible]

**CONNECT**

- Sino ang paborito mong *superhero*? Anong katangian ang gusto mo sa kanya?
- Kung ikaw ay nabigyan ng pagkakataong magsalita sa harap ng maraming kabataan, anong mensahe ang sasabihin mo sa kanila?

## WORD

### WHAT

What does the Bible say?

<sup>18</sup>Sinabi sa kanila ni Jesus, “Naibigay na sa Akin ang lahat ng kapangyarihan sa langit at sa lupa. <sup>19</sup>Kaya humayo kayo at gawin ninyong alagad ang lahat ng mga bansa. Bawtismuhan ninyo sila sa pangalan ng Ama at Anak at Espiritu Santo. <sup>20</sup>At ituro ninyo sa kanila na sundin ang lahat ng iniutos Ko sa inyo. At Ako’y tiyak na makakasama ninyong lagi—hanggang sa wakas ng kasalukuyang daigdig.”

Mateo 28:18-20

Nang inutusan ni Jesus ang Kanyang mga tagasunod na gumawa ng mga disipulo, ano ang Kanyang ibig sabihin?

- **Maghanap ng mga naliligaw.**

*Malaki ang pagkahabag Niya sa mga tao dahil nagugulo sila at hindi malaman kung ano ang kanilang gagawin. Para silang mga tupang walang pastol.*

Mateo 9:36

Ang paggawa ng disipulo ay hindi nagsisimula sa paghahanap ng mga naniniwala upang turuan silang maging mabuting Kristyano. Ito ay nagsisimula sa pakikipag-ugnayan natin sa mga hindi pa nakakakilala sa Diyos at gabayan sila sa pagkakaroon ng ugnayan kay Jesus (Lucas 19:10; Mateo 9:10-13).

- **Maging isang halimbawa.**

*Tularan ninyo ako, gaya ng pagtulad ko kay Cristo.*

1 Corinto 11:1

Nagkakaroon tayo ng plataporma na ipangaral ang katotohanan kapag ang ating pamumuhay ay makatarungan at may integridad. Kung gusto nating may makinig sa atin, kinakailangan nating maging isang halimbawa sa pananampalataya at mga moral na paninindigan (1 Corinto 11:1; 1 Timoteo 4:12).

- **Ibahagi ang pananampalataya.**

*Ipangaral mo ang Salita ng Diyos. Lagi kang maging handa, may pagkakataon man o wala. Pangaralan, sawayin at paalalahanan mo ang mga tao—buong tiyaga mo silang turuan.*

2 Timoteo 4:2

Ang ibig sabihin ng paggawa ng mga disipulo ay ang pagpapakita sa mga tao kung papaano ang pagsunod kay Jesus at pagsunod sa Kanyang mga aral. Naibabahagi natin ang ating pananampalataya sa pagiging laging handa, pagkakaroon ng kumpanya sa kaalaman sa mensaheng galing sa Salita ng Diyos (Roma 1:16; Philemon 6).

### SO WHAT

What is the relevance of the Word to my life?

- Madali ba o mahirap para sayo ang makipag-ugnayan sa mga hindi mo kapareho ng pananampalataya? Anu-anong bagay kaya ang humahadlang sayo upang makipag-ugnayan sa kanila? Ano ang pupwede mong baguhin upang mas madalian ka sa pakikipagkaibigan sa kanila?
- Anu-anong mga pagpapahalaga at simulain sa Bibliya ang masugid mong sinusunod? Ano naman ang kailangan mo pang pagbutihan?
- Papaano mo madalas ibinabahagi ang ebanghelyo sa iba? Anong paraan ng pagbabahagi ng ebanghelyo ang mas madali para sayo?

### NOW WHAT

How do I apply the Word to my life?

- Sa palagay mo, bukas ba sa ebanghelyo ang mga tao sa iyong paligid? Sino kaya ang nangangailangan ng higit pang pagsisikap upang kaibiganin? Ano ang pupwede mong gawin upang mainam mong maabot ang mga grupong ito?
- Ano ang pupwede mong gawin upang makapagsimula ng *Victory Group* sa iyong paaralan, trabaho, o sa iyong mga kaibigan at kamag-anak? Ano ang maaari mong gawin ngayong linggo upang masimulan ito?
- Anong hakbang ang iyong magagawa o mga aktibidad ang pupwede mong salihan upang mas lumakas pa ang loob mo sa pagbabahagi ng iyong pananampalataya sa iba?